

繡刻節俠

記定本

目錄

第一齣	開宗
第二齣	憂國
第三齣	閨憶
第四齣	忠忤
第五齣	虜俠
第六齣	直諫
第七齣	勘責
第八齣	聞謫
第九齣	送別
第十齣	壻謁
第十一齣	計詔

第十二齣 成婚

第十三齣 春游

第十四齣 訂訪

第十五齣 俠晤

第十六齣 謀歸

第十七齣 毒媚

第十八齣 再貶

第十九齣 私仰

第二十齣 北往

第二十一齣 南征

第二十二齣 奇偶

第二十三齣 寄衣

第二十四齣

圍獵

第二十五齣

誣激

第二十六齣

密報

第二十七齣

遁荒

第二十八齣

追獲

第二十九齣

泰回

第三十齣

誅佞

第三十一齣

迎內

第三十二齣

圓全

節俠記

明許三階著

第一齣 開宗

〔滿庭芳〕〔末上〕公子賢豪。將軍義俠。論交意氣縱橫。伸冤廷諍。杖下死重生。遠向嶺南竄跡。因輻輳舊日姻盟。潛歸去。風波平地。夫婦各飄零。孤征邊塞苦。可汗雅重。贈女殷勤。恨讒言構難。遁入胡塵。鐵騎挺身隨護。交情重死有餘榮。恩詔下。除殘起廢。完聚樂昇平。

第二齣 憂國

〔夜遊朝〕〔生冠帶扮表仙先上〕龍種由來誇上選。喜逢時早入天閑。一片雄心。滿腔俠氣。萬里鵬搏秋漢。〔鷓鴣天〕自小英雄意氣揚。翩翩結客少年場。千金不惜酬知己。一劍還堪倚太行。歌待警。頤盈箱。守官爲國有輝光。生來肯落它人後。縱死猶聞俠骨香。自家姓裴。名仙先。本貫絳州人氏。仗俠好交。多才負氣。年方一十七歲。官拜太僕寺丞。結客傾時。不數雞鳴狗盜。開

樽入座。足參龍子驕駒。伯父裴炎。侍中尊貴。聘妻盧氏。嶺外長流。哎。公子西園。雖浪追無忌之迹。佳人南國。能無歎莫愁之名。且待伯父退朝回來。再作計議。道猶未了。伯父早到。〔外冠帶扮裴炎淨丑扮從人隨上〕

〔前腔〕左相東臺身貴顯。冠惠文貂尾金蟬。職管喉膺。官居帷幄。國步豈容傾嶮。〔生見介外〕多慚未報主人恩。霄漢常懸捧日心。北極朝廷終不改。西山寇盜莫相侵。下官裴炎是也。身受遺詔。位列台衡。爭奈母后乖張。天王播越。張昌宗武承嗣。既憑狐鼠之奸。李敬業駱賓王復張蛇豕之暴。姪兒國事如此。如何是好。

〔啄木兒〕鸞旗遠。鳳駕遷。龍燄居尊國運艱。這牝雞鼓翼司晨。那雄狐肆志滔天。魚書復起潢池亂。狼烟直照甘泉遍。怎得虎踞龍盤保百年。〔生〕以姪兒論來。太后曠狎邪佞。殘害忠良。殺子屠兒。弑君酖母。猶復包藏禍心。窺竊神器。神人之所共嫉。天地之所不容。李敬業公侯冢子。駱賓王詞賦名流。共起義旗。匡復唐室。州郡響應。朝野震驚。正當趁此時節。遲延不討。留住大兵。看有機會。劫遷太后于內殿。奉迎大駕于房州。則人心自服。天下自安。維揚之

師。可傳檄而定矣。

〔前腔〕雲龍會。豺虎邊。燕啄皇孫敢肆奸。自當年白馬渝盟。致今朝赤狗漫天。爲今之計呵。除是麟符謹按觀機變。鸞輿反正從人願。會見鳳翼龍鱗慶百年。

〔外〕姪兒所見極是。只是少一個將兵的。〔生〕姪兒賓客中有一果毅都尉李多祚。忠誠許國。勇略過人。若委將兵。定不辱命。〔外〕

〔三段子〕珥貂有年。侍鸛鸞恩深九淵。驅狐甚難。將貔貅機藏九天。〔生〕他酬恩龍劍堪臨難。匡時豹略能觀變。若使掃蕩鯨鯢管萬全。〔小生冠帶扮李多祚上〕幾回奏事建章宮。聖主偏知漢將功。身着紫衣趨闕下。口銜丹詔出關東。自家果毅都尉李多祚是也。奉命賁詔出京。特來拜辭。裴侍中與他令姪。〔向雜介〕說我賁詔出京。特來拜辭。〔雜報介外向生介〕他既要出京。適纔商議的。且未要與他講罷。〔生應介外向雜介〕道有請。〔小生進見拜外揖生介〕李多祚爲賁詔出京。特來拜辭恩相。〔外〕又是甚麼詔。〔小生〕適纔太后降出旨意。改元光宅。服色旗幟。皆從金色。官名都已改了。頒詔天下。〔外怒介〕

〔歸朝歡〕豺狼性。豺狼性。虺蜮似姦。要把那鴻圖更變。改甚麼。改甚麼。龍紀鳥官。料金天豈是你妖狐稱亂。〔生小生〕斷熬煉石聲名遠。漢時呂雉誅夷慘。看你這虎嘯鷗張怎保全。

〔外〕百官何日再朝天。

〔生〕萬事傷心在目前。

〔小生〕但用東山謝安石。

〔合〕看題日月更高懸。

第三齣 閨憶

〔薄倖〕〔老旦扮盧母旦扮盧氏上〕遲日催花。東風淚眼。嘆佩蘭香老。子規聲斷。〔旦〕

淡雲閣雨。輕寒輕煖。〔合〕屏山掩。壓重簷。半庭清晝。向南樓一聲歸雁。〔相見介〕

老旦愁見游空百丈絲。春風挽斷更傷離。〔旦〕閒花落盡青苔地。盡日無人誰得知。〔老旦〕老身

左拾遺盧藏用之妻是也。系出官門。流居粵徼。先夫中年見背。老身晚景無依。止生一女。小字鬱金。

朗映玉山。美參螺女。雲鬟翠黛。不讓斑石珠岑。蕙質蘭姿。何異香林神艸。但衡陽雁影。盡日孤飛。庚

嶺梅花。終宵冷落。如何是好。〔旦〕母親。這到不必掛念。只是巢居有日。稚紉堪悲。戶外之雀可羅。堂

前之燕盡去。母親年高孤寡。蒲澗將衰。孩兒弱息伶仃。蘭湖未秀。好傷感人也。〔共悲介〕

〔傍妝臺〕〔老旦〕淚闌干。北邙松柏鎖愁烟。舊時王謝堂前燕。早隨陽雁及春還。更憐我一身去國三千里。萬死投荒十二年。〔合〕歸雲盡。落日殘。故園相望路漫漫。

〔前腔〕〔旦〕鶯啼燕語報新年。遊人陌上拾花鈿。偏我母子呵。孤情迴出鸞皇遠。晴花偏自犯江寒。〔背介〕好教我機中錦字論長恨。樓上花枝笑獨眠。〔合前老旦〕孩兒。你的父親在日。曾將你許與裴侍中之姪裴袖先。近日聞得它做了太僕寺丞。但裴郎宦游京邸。你我蓬飄嶺南。歲月蹉跎。音書斷絕。你看這時候呵。

〔前腔〕藍田日煖玉生烟。教人氣盡憶長安。平沙渺渺迷人遠。無因雁足繫書還。他那裏支離東北風塵際。我這裏漂泊西南天地間。〔合前〕

〔前腔〕〔旦〕你老年花似霧中看。不如高臥且加餐。若論孩兒的終身呵。芙蓉帳小雲屏暗。料不做朝朝應上望夫山。〔老旦〕雖如此說。只是向來富貴。如今一時怎消受得這般

光景〔旦〕呀。母親。再休提妝樓翠幌教春住。舞閣金鋪借日懸。〔合前〕

紗窗日落漸黃昏。

金屋無人見淚痕。

寂寞空庭春欲晚。

梨花滿地不開門。

第四齣 忠忤

〔淨冠帶扮武承嗣上〕金殿當頭紫閣重。鳳城連夜九門通。爐烟乍起開仙仗。玉佩成行引上公。自家左丞相。魏王武承嗣的便是。倚椒房之戚。柄政當朝。叨桐葉之封。食采于魏。今日俺姑娘則天皇帝登極。文武官僚。蠻夷酋長。俱朝見于光順門外。不免在此伺候。〔丑冠帶扮李秦授上〕補闕連車載。拾遺平斗量。糊心存撫使。眯目聖神王。下官李秦授。官居補闕。實歎箴規。意在逢君。專工讒佞。今日天后改唐爲周。百官朝賀。聞得還要立武氏七廟。若立得成。武承嗣定立爲太子。待我先去奉承它一番。等它做了皇帝。怕這丞相不是我的。遠遠望見光順門邊站的想是魏王。且上前參見則個。〔見介丑〕啓上大王。小官鮑笏在身。不敢參拜。〔淨〕補闕請了。〔末冠帶扮思摩上〕長安雪後似春歸。三殿花香入紫微。渭水自縈秦塞曲。併將歌舞報恩輝。俺乃思摩可汗是也。蒙唐天子封俺爲和

順郡王。統領幽州部落。今日天后臨朝。特來稱賀。〔與衆請介外生同上〕

〔北點絳脣〕〔外〕一統山河。盡歸女主。歎唐家。宗社丘墟。〔生〕何日裏驅諸武。

〔與衆見介丑對淨介〕天色將明。聖上傳宣升殿。怎麼還不見六郎出來。〔淨〕不消忙得。一定就同聖上出來了。〔老旦冠帶蟒衣扮武后小生冠帶扮張昌宗旦貼扮宮女雜扮宦官隨上〕

〔前腔〕〔老旦〕夢裏歡娛。漏傳五鼓。臨朝寧。齊祝嵩呼。〔小生〕臣入幕叨恩溥。

〔老旦〕鐘鼓餘聲裏。千官向紫微。〔小生〕小臣瞻日月。歌舞共春暉。〔叩頭介〕臣張昌宗見。〔老旦〕你上殿來。〔衆跪介淨〕臣武承嗣見。〔外〕臣裴炎見。〔丑〕臣李秦授見。〔生〕臣裴仙先見。〔末〕臣思摩見。〔老旦〕衆卿平身。〔衆起介老旦〕朕承天踐祚。已經頒詔四方。官爵悉照新規。旗幟盡從金色。

〔淨跪〕臣啓奏陛下。唐之七廟。乃李氏之祖宗。陛下既有天下。當立武氏七廟。〔老旦〕卿言正合朕意。着該衙門官擇日興工。建立武氏七廟。〔淨〕領旨。〔丑跪介〕臣奏陛下。還當立親姪爲太子纔是。〔老旦〕奉授之言似亦有理。〔外跪介〕呀。陛下受先帝顧托。若立武氏七廟。又以天下與姪。則唐家不血食矣。老臣死不敢從。〔老旦〕此朕家事。豈爾所知。〔淨丑〕臣奏陛下。裴炎老矣。不足與謀。〔外〕

李秦授。你差矣。武承嗣乃太后之姪。欲立七廟。固不足責。爾實唐家臣子。安得爲此叛逆之言。〔外丑起介〕

〔北滾繡球〕〔外〕咳。俺本待要掃浮雲揭太陽。斥羣邪回衆望。只這一時兒怎看得那奸雄伎倆。〔丑〕誰是奸雄。〔外〕聽着恁這廝們說短論長。把那朝綱那宗祏日漸淪亡。便是那唐天子也不免廬陵虛王。〔丑〕老相公。你可自反一反。廬陵王之事。難道也是我李秦授。〔外〕誰知道恁慣雌黃。慣使着猖狂。卻不念餐風沐雨先皇創業多辛苦。到做了個棄正趨邪沒主張。〔丑〕我怎麼沒主張。聖上貴爲天子。立七廟追王其祖。建嗣以延武氏宗支。此是正理。到說是趨邪。〔外〕尙說甚麼建嗣追王。〔老旦〕裴炎。你爲宰相的。不思盡宰相之職。到與李秦授在殿中爭鬪。是何道理。假如昨日李敬業的檄文。出自賂竇王之手。人有如此之才。而使之淪落不偶。你亦不得無罪。如今他哨聚維揚。正當興師討罪。克期收復。你乃逡巡觀望。意欲何爲。着裴炎與文武百官退在光順門外議了來說。張昌宗。我與你且入宮去罷。〔老旦攜小生宮監俱先下淨〕聖上大怒。入宮去了。〔丑〕老相公。如今李敬業作反。京師震

驚。何人爲將。何日出師。事不宜遲了。

〔北滾煞尾〕〔外〕那李敬業呵。只爲女主在朝端上。因此上仗義興兵。挽大唐。若得乘輿返建章。社鼠城狐遠遁藏。那反側聞風自請降。今日呵。君側奸邪正未央。討叛除殘氣不揚。恁道滿目烽烟遍四方。俺道禍起蕭牆。眞可傷。便待命將提兵難攔當。怎把我待斃孤臣來倚仗。〔丑向內跪介〕臣奏陛下。李敬業克取潤州。金陵危在旦夕。裴炎不欲出師。實有同謀之意。今日不斬裴炎。它日必然裏應外合。爲禍不小。〔內〕聖旨道來。侍中裴炎。嚮乏知人。心存助逆。不欲興兵討叛。明與敬業同謀。着武承嗣李秦授押赴市曹。梟首示衆。〔小生旦扮二將軍拿外介生哭扯外介丑淨同押外下生哭介〕哎。怎麼好。不免就上封事。爲伯父稱冤便了。〔哭下末〕好漢子。好漢子。中國畢竟有人。〔歎下〕

第五齣 虜俠

〔霜天曉角〕〔小旦扮閨華旦扮侍女隨上〕海棠睡醒。曉日窺妝鏡。翠黛眉灣漢月。青絲髻挽烏雲。〔搗練子〕春寂寞。影徘徊。片月寒生玉鏡臺。無可奈何花落去。似曾相識燕歸來。

奴家可汗之女聞華是也。身長蠻夷。情偏嫵媚。揮絃撥調。楚楚多奇。約鬢暈眉。新新無已。我爹爹因則天皇后臨朝。入京稱賀去了。還不見回來。你看這些時節。海雲無葉。山雪飛花。北里王孫。悵行春之有待。南鄰少婦。歎拾翠之無期。白艸黃榆。何似蘭皋蕙晚。胡琴羌笛。終非子夜前溪。正是青海城頭空有月。黃沙磧裏本無春。好不淒楚人也。

〔六犯清音〕〔梁州序〕蔥山橫黛。榆河開鏡。遙障時侵日影。凭闌無語。自憐身染胡塵。〔桂枝香〕春色臨關盡。黃雲出塞橫。〔甘州歌〕游絲冒落絮。零多情。常自不勝情。〔傍妝臺〕愁聞折柳悲春曲。怕聽吹笳斷夜聲。我想皇都這樣時節呵。〔卓羅袍〕屠蘇送煖。子規弄晴。韶華爭上春風鬢。〔黃鶯兒〕願花神。平分花信。採取一枝新。〔末扮思摩可汗騎馬丑雜扮從人隨上〕

〔西地錦〕禮樂夷風歸正。衣冠漢制常新。函關回首長安近。恍聞上苑鶯聲。俺思摩可汗朝覲回來。早已到門首了。左右的迴避。〔丑雜應下小旦見介〕爹爹回來了。皇都的光景好麼。說與孩兒知道。〔末歎介〕說他何用。如今皇都這樣光景。有甚好處來。

〔風入松〕俺祇見皇州春色起愁城。白日渾無精景。〔小旦〕爹爹。這等說起來。難道到不如俺這裏。〔末〕俺這裏蠻夷尙識君臣分。〔小旦〕爹爹。這是怎的說。〔末〕孩兒。你那裏曉得。如今女主當朝。更兼奸臣竊柄。滿朝的官。只有裴炎侃侃直言。又被衆人羅織。登時就殺了。〔小旦〕有這等事。可惜可惜。〔末〕他還有一個姪子裴仙先。年方十七。官居寺丞。又要上封事。不知怎麼了。抒孤憤犯顏匡正。草短疏含冤叩閭。憐忠義萃一門。

〔前腔〕〔小旦〕朱雲折檻枉嶙峋。忠赤有誰憐憫。爹爹。你怎麼不救他一救。也學那滿朝的官。做寒蟬聲咽西風緊。〔末〕呀。我們是夷人。怎好干預朝政。〔小旦〕正是。爹爹。我們管他則甚。趁這時節呵。且莫惜歌殘舞困。還自樂朱圍錦屏。任理亂不須聞。酒樂備在後園。請爹爹拂塵。

〔末〕樂聚南宮宴。

觴連北斗醇。

〔小旦〕緩歌將醉舞。

宜拂繡衣塵。

第六齣 直諫

〔秋葉香〕〔老旦扮武后小生扮昌宗淨扮承嗣旦丑扮宮女外雜扮宦官從上老旦〕一統華夷環向。奈朝端羣小譸張。〔小生淨〕巍巍聖主計周詳。有何事更須酌量。〔小生叩頭

介〕臣張昌宗叩頭。願陛下萬歲。〔老旦〕愛卿起來。〔起介淨叩頭介〕臣武承嗣叩頭。願陛下萬歲。

〔老旦〕我兒免禮。〔起介老旦〕昨日裴炎謀叛。已伏其辜。他姪兒太僕寺丞裴仙先。又上封事請見。要面陳得失。甚是可惡。且召他進來。看他怎麼。傳旨召裴仙先。〔外雜召介生冠帶上〕

〔玉井蓮〕丹心一點奏明光。拚死忠貞無兩。〔外雜〕裴仙先當面。〔生〕臣裴仙先見。〔老

旦〕汝伯謀反。干國之憲。自貽伊戚。爾欲何言。〔生〕臣今爲陛下計。安敢爲伯父訴冤。夫陛下乃先帝皇后。唐家新婦。今先帝棄世。陛下臨朝。理當委任大臣。保其社稷。東宮年長。復子明辟。以塞天人之望。奈何遽自封崇私室。擅立諸武爲王。誅斥唐宗。自稱皇帝。海內憤惋。蒼生失望。臣伯父忠于唐室。反誣其罪。陛下爲計若斯。臣深痛惜。臣望陛下復立唐家社稷。迎太子東宮。則陛下高枕。諸武獲全。如不納臣言。天下一動。大事去矣。產祿之誠。可不鑒哉。

〔八聲甘州〕乘輿草莽。似炎精息焰。諸呂稱王。神人失望。怎做得幕燕如常。一

時速正乾坤象。片翳無侵。日光早防。任深宮高枕徜徉。

〔前腔〕〔老旦〕荒唐少年鹵莽。似杞人憂慮。終孺猖狂。〔淨小生〕因仇造謗。這胸中機變非良。〔生〕漢時后族終淪喪。唐室山河莫妄量。試詳看它年產祿堪傷。

〔老旦〕這都是阿黨裴炎的說話。

〔解三醒〕〔生〕我非是一家阿黨。也只爲萬古綱常。由來婦道無相抗。怎臨朝擅奪乾綱。〔老旦〕何物小子。敢發此言。扯他出去。〔外雜扯生介〕天時災異徵非妄。人事兵戈勢已張。〔老旦〕快扯出去。誰聽你虛誑之言。〔外雜又扯生又留介〕非虛誑。速乘時反正。莫自貽殃。〔老旦〕快扯他出去。〔外雜扯生反顧介〕能用臣言。猶未晚也。〔外雜扯生下介〕

〔前腔〕〔小生淨〕歎無知窮酸魍魎。做當車怒臂螳螂。出言廝挺真無狀。怎饒他伏法雲陽。〔老旦〕他言詞喋喋雖不安。意氣翩翩甚慨慷。〔小生淨同應介老旦〕須輕放。〔淨小生又應介老旦〕看青年美質。忍使淪亡。裴仙先着該衙門官在朝堂上勘杖一百。